

ՀԱՇՎԵՏՎՈՒԹՅՈՒՆ

2021Թ. ՀՈԿՏԵՄԲԵՐԻ 20-ԻՑ 22-Ը ԼԻՏՎԱՅԻ ՀԱՆՐԱՊԵՏՈՒԹՅՈՒՆ

ԳՈՐԾՈՒՂՄԱՆ

1. ԳՈՐԾՈՒՂՎԱԾ ԱՆՁ

Գնել Սանոսյան

Վլադիմիր Արեստակյան

2. ԶԲԱՂԵՑՐԱԾ ՊԱՇՏՈՆԸ

ՀՀ տարածքային կառավարման և ենթակառուցվածքների նախարար

ՀՀ տարածքային կառավարման և ենթակառուցվածքների նախարարության արտաքին կապերի վարչության խորհրդական՝ առանձին գործառույթներ համակարգող:

3. ԳՈՐԾՈՒՂՄԱՆ ՎԱՅՐԸ/ԺԱՄԿԵՏԸ

Լիտվայի Հանրապետություն (Վիլնյուս), 2021թ. հոկտեմբերի 20-ից 22-ը

4. ՀՐԱՎԻՐՈՂ ԿՈՂՄԸ

Լիտվայի Հանրապետության տրանսպորտի և հաղորդակցության նախարար

Մարիուս Սկուտդիս

5. ԳՈՐԾՈՒՂՄԱՆ ՆՊԱՏԱԿԸ

Մասնակցություն Միջազգային տրանսպորտային նորարարական համաժողովի

շրջանակներում կայանալիք «Տրանսպորտ և լոգիստիկա 2050» խորագրով նախարարական նիստին

6. ՔՆՆԱՐԿՎԱԾ ԹԵՄԱՆԵՐԸ

✓ Տրանսպորտ և լոգիստիկա 2050. եվրոպական քաղաքականություն

✓ Տրանսպորտ և լոգիստիկա 2050. ոլորտի վերաճնավորումը համաճարակից հետո

✓ Տրանսպորտը այսօր և վաղը. արտադրողների դերը

✓ «Գլոբալ միտումներ, որոնք փոխում են լոգիստիկայի ապագան և մատակարարման շղթան»:

7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

Ելույթով հանդես են եկել Լիտվայի Հանրապետության նախագահ Գիտանաս Նաուսեդան, Լիտվայի Հանրապետության տրանսպորտի և կապի նախարար Մարիուս Սկուտդիսը, Տրանսպորտային նորարարական ասոցիացիայի խորհրդի նախագահ Յուրգիս Ադոմավիչուսը, Եվրոպայի Հանձնաժողովի՝ բնապահպանական հարցերով անդամ Վիրջինիյուս Սինկևիչիուսը:

Տեղի է ունեցել նախարարական նիստ՝ «Կանաչ, թվային և մրցակցային տրանսպորտ. որքան հավակնոտ պետք է լինենք կարգավորումների նոր ոլորտներում» խորագրով, որին մասնակցել են Միացյալ Նահանգների, Ճապոնիայի, Արևելյան և Հյուսիսային գործընկերության երկրների տրանսպորտի և կապի նախարարներ:

Հանդիպում է կայացել Լիտվայի կապի և տրանսպորտի նախարար Մարիուս Սկուտդիսի հետ:

8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ

Մարիուս Սկուտդիսի հետ հանդիպման ընթացքում քննարկվել են տարբեր հարցեր տրանսպորտային ոլորտում նորարարությունների և թվայնացման վերաբերյալ:

Անդրադարձ է կատարվել էլեկտրոմոբիլների շահագործման խթանմանն ուղղված լիտվական փորձին, ինչպես նաև Հայաստանի՝ որպես ԵԱՏՄ անդամ երկրի և Լիտվայի՝ որպես ԵՄ անդամ երկրի միջև փոխգործակցության ներուժի պատշաճ օգտագործմանը: Քննարկվել են անվտանգ տրանսպորտային համակարգ ունենալու, տրանսպորտի ոլորտում գործունեություն իրականացնողների մասնագիտական որակավորումը բարձրացնելու, ինչպես նաև ուղևորափոխադրումների և բեռնափոխադրումների կազմակերպման ԵՄ չափորոշիչները տեղայնացնելու, ՀՀ օրենսդրությունը տրանսպորտի բնագավառում հնարավորինս ԵՄ օրենսդրությանը ներդաշնակեցնելու վերաբերյալ հարցեր, երկու երկրներում երկաթուղային ոլորտի առանձնահատկությունները, գործող կառավարման համակարգը, առկա խնդիրները, բարեփոխումների անհրաժեշտությունները և հնարավորությունները:

Իմ խոսքում կարևորել եմ Լիտվայի կողմից իրականացվող ծրագիրը, որի շրջանակներում 2020-2021թթ ընթացքում տեղի են ունեցել ավտոմոբիլային, երկաթուղային և ավիացիոն մասնագետների փոխափոխություններ փոփոխ փոխանակման նախադրամով: Արդյունքում հաս

գործընկերները ծանոթացել են նշված ոլորտներում լիտվական և ԵՄ փորձին ու ստանդարտներին, ինչը կարևոր ձեռքբերում է Համապարփակ և ընդլայնված գործընկերության համաձայնագրի շրջանակներում ԵՄ-ի հետ օրենսդրական դաշտի ներդաշնակեցման գործընթացում:

Ներկայացվել է Հայաստանում այդ ուղղությամբ իրականացվող օրենսդրական փոփոխությունները:

Հանդիպման ընթացքում գոհունակությամբ արձանագրվեց, որ Wizz Air ավիաընկերությունը 2021 թվականի հոկտեմբերի 31-ից նախատեսում է շաբաթական երկու անգամ իրականացնել ուղիղ չվերթեր Վիլնուս-Երևան-Վիլնյուս ուղղությամբ, ինչը կխթանի երկկողմ առևտրաշրջանառությունը և զբոսաշրջությունը:

Քննարկվել են Միջազգային ավտոճանապարհային բեռնափոխադրումների սահմանված պահանջների ապահովման նպատակով անհրաժեշտ իրավական դաշտի ձևավորման վերաբերյալ հարցեր նույնպես:

Զրույցի վերջում Մարիուս Սկուտդիսին հրավիրել են Հայաստան՝ համագործակցության նոր ուղիները տեղում քննարկելու և հայաստանյան փորձին ծանոթանալու նպատակով:

9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ

Հանդիպման արդյունքներով փաստաթղթեր չեն ստորագրվել:

Առաջարկվել է շարունակել աշխատանքները տրանսպորտային նորարարությունների և թվայնացման ոլորտում:

10. ՍՏՈՐԱԳՐՈՒԹՅՈՒՆ/ԱՄԻՍ, ԱՄՍԱԹԻՎ



26.10.2021թ.